

آبونه شرائطی : هر بر ایچون  
سنه لکی (۴۰۰) آلتی ایلمی  
(۲۲۰) ممالک اجنیه ایچون  
سنه لکی (۴۰۰) ، آلتی آیلنی  
(۲۵۰) غروشدور .

نسخه سی ۷,۵ غروشدور .  
سنه لکی ۵۲ عددور .

اداره خانه : باب عالی جاده سنده  
رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه  
قبول اولنور . درج ایدله بن  
یذیر اعاده اولتماز .

والله یهدی من یشاء الی صراط مستقیم

# کتابخانه

۱۳۳۰

صاحب و مدیر  
اشرف ادیب

باش محرر  
محمد ماکف

آدره سن تبدیلینده آیر  
غروش کوندرملیدر .

مکتوبلرک امضاری واضح  
واوقوناقلی اولسی و آبونه  
صره نومروسی محتوی  
بولونسی لازمدور

ممالک اجنیه ایچون آبونه  
اولانلرک آدرس لرینک  
فرالسزجه یازلسی رجا اولنور .

پاره کوندرلدیکی زمان نه  
دائر اولدینی بیلدیرلسی  
رجا اولنور

اتبعون اهدکم سبیل الرشاد

مکتبی قیزلر فصل قیسمت بریلور ؟

استانبول قیز لیسسی سنه درسیه نك ختامی مناسبتیه بروداع مسامره سی ترتیب ایتمش ، بومسامره به بوتون لیسه مآذون و مآذونلری ایله رجال مهمه واركان مطبوعات دهوت ایدیلمش . مسامره امید ایدیلمکدن فضله پارلاق اولمش . خانم لر پیانو چالمش ، شریقلر سویله مشلر . ایکی رده نك «تورک اوغانی» اسمنده کی پیه سی ده وضع صحنه ایلمش . پیه سده طومر بس رولنی ایفا ایدن خام «تورکیاده کی محافظه کار غزته لر طرفندن - سوروملرینی آرتیره ق ایچون - تورک قادیلغنه اورولان ضربه دن » ، «تورک قادیلغینک قفسلر آرقه سنده قالب کنجلرله قارشیلانمادیغندن » شکایت ایتمش . کنج قیزلرله کنج ارککلر قارشیلان شه ییللمری جائز اولدیغی دهوای باطلنی اثبات ایچون ده حضرت پیغمبر افندیغیز مکه قادیلرینی حرب میدانلر ندره غازیله یار دیمه کوندر دک لرینی سویله مک جر آئنده بولونمش . خانم افندیلر ! دهوتلیر یکره هنر لیکنزی کوسترمک ایچون پیانولر چالیور ، شریقلر سویلیورکن ، تیاترولر اوینا بورکن نیچون حضرت پیغمبر افندیغیزی قاریشدر ییورسکنز ؟ بودرسی سزه کیم ویردی ؟ بو هنرلی سزه کیم اوکره تدی ؟ اوت ، مکه قادیلری غازیله یار دیمه کیتدیلر . نته کیم آناملول قادیلری ده مجاهده ملیه ده صیرت لر ندره جیخانه طاشیدیلر . سزلرده نامحرم ارککلر قارشیلانده پیانو باشنده شرق سویلرکن ، تیاتر و صحنه لر ندره رولر تمثیل ایدرکن کندیکنزی بر (غزنا) میداننده می عد ایدیورسکنز ؟ سزک تحصیلکنز ایچون ، صباچدن آقشامه قدر تر لالرده آلن تری دوکدرک ویرکی ویرن ملت بو حال کزدن هیچ ده ممنون دکلدر . سز کنج ارککلرله قارشیلانمق ایسترسه کز بو هنر حربنده هیچ بر مانع یوقدر ، حضرت پیغمبر دن و مکه قادیلر ندرن بحث ایتمک زحمتنه قاتلانما یکنز .

\* \*

مدرسه لر تخریب ایلمیلور

آبدات دینیه و ملیه سزک صنعت و بدایع نقطه نظر ندرن لایموت اثر لر ندرن بولنان مدرسه لر ده بر جوق تخریبات یاپیلدیغی کمال أسفله استخبار ایندک . بوجه دن اولمق اوزره فاتحده بحر سفید چیفته باش و آباق قورشولنی مدرسه لرینک اوطه لری تمامیه تخریب ایدیلمش و قبلرک قورشونلر ندرن بر جوقلری سرقت ایدیلمش در . بو کی اما کن وقفیه عامیه نك حامی حقیقیسی اولسی لازم کان ارقاف دائره سی عجب بو تخریباتدن خبر دار میدر ؟ بو خصوصده کمال همیته نظر دقتلرینی جلب ایدر بو قیمتدار بنالرک تعمیریه حسن محافظه ایدیله جکنی امید ایده رز .

\* \*

بر ایضاح

عبدالرشید ابراهیم افندی نك کریمه سی (فوزیه) خانم دن آلدیفمز بر مکتوبه آیدینلق مجموعه سی ایله و علی العموم مطبوعات ایله هیچ بر علاقه سی اولمادیغی ، کچن هفته آیدینلق مجموعه سنندن نقل اولونان بولشه ویک فکریلرینی حاوی یازیلرک آلتنده (فوزیه) امضاسی بولونمسی بعض روسیه لی مسلمانلری ترده دوشورمسی حسیله بو ایضاحه لزوم کورولدیکی بیان اولونمده در .

آبونه لر ی ختام بولاره قاریش کر امک آبونه برلرینی ارسال اتمک لطفنده بولور عملری ربا آبونه ده صرف نظر ایلمک لرینی اناهار بولور ملره باظافه رجا اولور .

شهراده باقی : اوقاف اسلامیه مطبعه سی

اونک یاننده برده کنج بر صاریقلینک رسمنی یامش . اونده غایت چیزکین بر وضعیت صوفش . آلتنده بر (صوفته چومری) دیمش . صوکرده سوسلی ، بیقلری یوقاری قالمیق ، فراواتلی ، صاریغی دوزکون صاریلمش بر رسم یامش . اونکده آلتنه (علمای دیندن محترم برخوجه افندی) دیمش . (صوفته) و (یوباز) کله لرینک آرقه لرینه صیفه رق سویله مدک شنیخ سوز بر اقامش . فراوات طاققله ، بیغی یوقاری قالدیرمقله می برخواجه محترم اولور ؟ رسملی غزته دن هیچ بکله نیلمه یین بر تجاوز ! مادام که شیمدی صاریقلیرله هجوم ایتمک مودادر ، رسملی غزته ده بوندن کری قالماسین ! . .

\* \*

ها کملرک قیافتلرینک دیکشیر یلمسندن مفسر نه اجمعه ا

وطن غزته سنک باش محرری کچلرده آنقره به کیتمشدی . اوراده کی ملاقاتلرینی شمدی صیره ایله نشر ایدیور ، عدلیه و کیلی ایله یادیغی ملاقاتی ده بو هفته نشر ایتمدی . قیافت مسئله سی حقیقه دیورک :

« قیافت مسئله سنک بوقدر دیدی قودی بی موجب اولماسی ، نجاتی بی حیرتله دوشورمشدر . عدلیه وکیلنک فکر نیجه هرملتک اوزون تهر به لر و تدقیقلر نتیجه سنده کیتدیکی یولدن بزده مطلقا بله جکیز . ترده محل یوقدر . قیافت مسئله سنده بالخاصه بزم یکسکافنه احتیاجز واردر . چونکه قیافت حقیقه حیانه زده قیدلر یوقدر . بوندن باشقه بوکون عدلیه ده آنجق دولتک عصری قانونلری مره اولدیغی حاله صاریقلی ، صاریقسز ها کملرک وجودی اصول عدلیه سزک ماهیته دائر اشتباهلر او یادیره بیایر . »

نه دیمک ایسته دیکی آکلاشیلیوریا ! صاریقسز ها کملر حقیقه ، برشی دیمه یز . فقط صاریقلی ها کملرک وجودی اصول عدلیه سزک ماهیته دائر اشتباه او یاندیرمسی نه دیمکدر ؟ بزم عدلیه سزک کندیسی فرنگلره می بکندیره جکدر ، بوقسه ملته می ؟ . .

\* \*

عجبیا سولر می دیرسکنز !

وقت غزته سنک ایزمیر محارب مخصوصنک ۱۷ تموز مار نیخله و تلغرافله ایزمیر دن اشعارینه کوره ، معارف و کیلی ایزمیر ده دارالمعلمات و دارالمعلمین مآد و نلری درنکی طرفندن ویریلن ضیافتده « صوفته لاق قارا قوتنک حصوله کتیردیکی شیئی بیقمق لازمدر . » دیدیکنی ده قید ایدیور . عجبیا واصف بک کندیسنک رجال حکومت میاننده اولدیغی اونوته رق بویه بر وکیل آغزینه یاقشایه جتی سوز سولر می دیرسکنز ! بز ظن ایتمیورز ! . .

\* \*

ده قولته کز نه نك نتیجه سی

پایلاق مقامی ، صوکر کوندره مودا مرافقی ایلری کتیرن قادیلرله شدتلی برجدال آچمش ، مختلف دوائر روحانییه ریاست ایدن باش پایاسلره صیق اسلر ویرمشدر . بوتدیبرک نتیجه سی اولارک کچن کون رومایه جوار کلیساردن برینه خفیف ده قولته ایله کز نه ایکی شیق مادام اعتراف ذنوب آییننه اشتراک ایتمدی بولمشدر . قادیلر بومامله اوزرینه بک زیاده محبوب اولارک کلیسایک برکوشه سته چکمشلدر در . آیین بتمکدن صوکر پایاس کرسی به چیقه رق حاضر ونه اوزون بروعظ ویرمش و قادیلرک ولوکه بک آز آجیق اولسون هیچ بر زمان ده قولته ایله آلهک آوینه کیرمه مه لرینی اخطار ایتمشدر . « وقت »